



## MØTEPROTOKOLL

---

Utval	Kommunestyret
Møtestad:	Rådhuset
Møtedato:	14.06.2017

---

Start kl.: 09.00  
Slutt kl.: 14.45

### Til stades på møtet

**Forfall:** Kjetil Hovland, Anja Iren Hilleren, Odd Atle Stegegjerdet, Karita Nes, Geir Arve Sandvik.  
**Varamedl.:** Ann Kristin Sperle, Grethe Kristin Leirdal, Tor Bremer, Geir Arne Kvam, Hans Olav Sandvik.  
**Frå adm. (evt. andre):** Rådmann Jarle Skartun, politisk sekretariat v/Anita Bjørk Ruud, kommunalsjef Knut Åge Teigen i sak 32.

**Møtet var kunngjort i lokalavisa og på kommunen si heimesida.  
Medlemene hadde ikkje merknad til innkalling og sakliste.**

### SAKLISTE

Saksnr.	Tittel
22/17	17/2335 <b>Godkjenning av møtebok</b>
23/17	16/127 <b>Reguleringsplan Dale sentrum, Luster - Plan-Id 1426-2011006</b>
24/17	17/333 <b>Gaupne brannstasjon Planid 1426-2007001</b>
25/17	17/538 <b>Forvaltningsplan for Luster Allmenning naturreservat, framlegg slutthandsaming</b>
26/17	17/642 <b>10676 Sikring mot Mørkridselvi ved Moen</b>
27/17	17/1824 <b>Søknad om lån i næringsfondet Sandvik Sko AS</b>
28/17	17/2236 <b>Suppleringsval kontrollutvalet</b>
29/17	17/1112 <b>Lokal forskrift om tilsyn med objekt som ikkje registrert som særskilte brannobjekt</b>
30/17	16/2714

**Forskrift om tildeling av langtidsopphald i sjukeheim eller  
tilsvarende bustad særskilt tilrettelagt for heildøgns  
tenester - kriterium og venteliste**

- |       |   |
|-------|---|
| 31/17 | 16/3063<br><b>Interkommunal legevakt: Sogndal, Leikanger, Vik og Luster</b>         |
| 32/17 | 16/4590<br><b>Regional plan for arbeidet for god psykisk helse hjå barn og unge</b> |
| 33/17 | 17/394<br><b>Kommuneplanen sin samfunnsdel 2017 - 2029 - planprogram</b>            |
| 34/17 | 17/182<br><b>Rekneskapsrapport pr. 1. tertial 2017. Budsjettendringar.</b>          |
| 35/17 | 17/2342<br><b>Referat- og drøftingssaker</b>  |

**Underskrifter:**

Vi stadfester at det som er ført i møteboka er i samsvar med det som vart vedteke på møtet.

Møteprotokoll er sendt til:

Medlemene, varamedlemer, rådmann, revisor, kontrollutvalet, biblioteket i kommunen, lokalavisa, NRK-Førde og Luster radio.

22/17

## **Godkjenning av møtebok**

### **Handsaming:**

Det var ikke merknad til møteboka.

### **VEDTAK:**

Møteboka frå møtet den 27.04.17 vert godkjent.

Grethe Kristin Leirdal og Ernst Veum vart valde til å skrive under på møteboka.

23/17

## **Reguleringsplan Dale sentrum, Luster - Plan-ID 1426**

### **Handsaming:**

Plan- og forvaltningsstyret si tilråding vart samrøystes vedteken.

### **VEDTAK:**

I medhald av § 12-12 i plan- og bygningslova, godkjenner Luster kommunestyre reguleringsplan for Dale sentrum, Luster - Plan-ID 1426-2011006.

24/17

## **Gaupne brannstasjon**

**Planid 1426-2007001**

### **Handsaming:**

Plan- og forvaltningsstyret si tilråding vart samrøystes vedteken.

### **VEDTAK:**

I medhald av reglane i § 12 - 12 i plan og bygningslova, vedtek Luster kommunestyre reguleringsframlegg for Gaupne brannstasjon, plan-id 1426 - 2017001, datert 22.03.2017, som detaljreguleringsplan for området.

25/17

## **Forvaltningsplan for Luster Allmenning naturreservat,**

**framlegg slutthandsaming**

### **Handsaming:**

Plan- og forvaltningsstyret si tilråding vart samrøystes vedteken.

### **VEDTAK:**

I medhald av verneforskrifta for Luster Allmenning naturreservat § 7 stadfestar Luster kommunestyre forvaltningsplanen, datert 28.5.2017, og sender han til Fylkesmannen i Sogn og Fjordane for endeleg godkjenning.

På grunnlag av innspel er avsnitt 6.3, som omhandlar kulturminne, omskrive. Med dette skal registreringa av kulturminne også omfatta ei skildring/tilstandsvurdering i tillegg til fotodokumentasjon og kartfesting som låg inne i høyringsframlegget. Resultata kan eventuelt lastast opp i basen «kulturminnesøk».

I tillegg er det lagt til eit kart som syner utbreiinga av gran (vedlegg 3) basert på SNO sin rapport frå mars 2017.

26/17

## **10676 Sikring mot Mørkridselvi ved Moen**

### **Handsaming:**

Formannskapet si tilråding vart samrøystes vedteken.

### **VEDTAK:**

Kommunevedtak for 10676 Sikringstiltak i Mørkridselva ved Moen, k.sak nr. nr. 14/14 av 13.03.2014, vert fornya på same vilkår som sist, justert for tilleggsarbeid for gjenopprettning og utviding av elvelaupet mot Mørkrid:

1. Under føresetnad av undergaranti frå tilgrensande grunneigarar, fattar Luster kommunestyre kommunevedtak for sikringstiltak i Mørkridselva ved Moen nr. 10676 i samsvar med standardformular frå NVE.
2. For delprosjekt I, sikringstiltak mot Moen, dekkar NVE 80% og distriktet 20%. Luster kommune tek på seg halve distriktsdelen under føresetnad av at tilgrensande grunneigarar tek den siste halvdelen.
3. Ut frå oppjustert kostnadsoverslag frå NVE datert 10.03.2017, vil kommunen sin del utgjera om lag kr 152 000,- + mva. Ev. overskriding eller mindrekostnad vert å fordela etter same fordelingsnøkkel når godkjent rekneskap føreligg.
4. Kostnad med delprosjekt II, gjenopprettning og utviding av elvelaupet mot Mørkrid, vert dekka av Vegvesenet med inntil kr 150 000,- + mva. Ev. overskriding vert å dela likt mellom Luster kommune og grunneigarane.
5. Løyvinga frå Luster kommune vert belasta næringsfondet.
6. Ordføraren får fullmakt til å skriva under på skjema for kommunevedtak.

27/17

## **Søknad om lån i næringsfondet Sandvik Sko AS**

### **Handsaming:**

Næringsutvalet si tilråding vart samrøystes vedteken.

### **VEDTAK:**

Sandvik Sko AS får eit lån i næringsfondet stort kr 2 mill. Lånet vert gjeve med ein rente- og avdragsfri periode på to år og skal deretter betalast ned over 10 år. Lånet er eit pantelån.

28/17

### **Suppleringsval kontrollutvalet**

#### **Handsaming:**

Framlegg i møtet:

Tordis Skjerdal Rauboti vert vald som fast medlem i kontrollutvalet.

Rauboti vart samrøystes vald.

#### **VEDTAK:**

Med heimel i kommunelova § 16 nr. 3 føretok kommunestyret følgjande suppleringsval til kontrollutvalet etter at Jeanett Aaland Brun har flytta frå kommunen: Tordis Skjerdal Rauboti.

29/17

### **Lokal forskrift om tilsyn med objekt som ikkje registrert som særskilte brannobjekt**

#### **Handsaming:**

Formannskapet si tilråding vart samrøystes vedteken.

#### **VEDTAK:**

Luster kommunestyre vedtek ««Lokal forskrift om tilsyn med objekt som ikkje er registrert som særskilte brannobjekt i kommunane Luster, Sogndal, Leikanger, Balestrand og Vik» , slik den ligg føre.

30/17

### **Forskrift om tildeling av langtidsopphald i sjukeheim eller tilsvarande bustad særskilt tilrettelagt for heildøgns tenester - kriterium og venteliste**

#### **Handsaming:**

Formannskapet si tilråding vart samrøystes vedteken.

#### **VEDTAK:**

Kommunestyret vedtek *Forskrift om tildeling av langtidsopphald i sjukeheim eller tilsvarande bustad særskilt tilrettelagt for heildøgns tenester – kriterium og venteliste*, slik den ligg føre.

31/17

### **Interkommunal legevakt: Sogndal, Leikanger, Vik og Luster**

#### **Handsaming:**

Etter formannskapet si handsaming var følgjande dokument sendt ut til kommunestyret:

- Saksutgreiing med supplerande informasjon frå rådmannen.
- Delrapport 1 og 2

- Uttalar frå dei tre råda.

Framlegg frå Sp/Marit Aakre Tennø i møtet:

Luster kommunestyre ber om å få utgreidd som alternativ å halda fram med legevakt i Gaupne. Kommunestyret ynskjer også at framtidig legevakt blir sett i samanheng med gjennomgang av heile drifta av helseområdet for å sjå på korleis kostnadene på tenesteområdet kan reduserast framfor å aukast med 1,6 mill.

Eit slikt utgreiingsarbeid må involvere dei tilsette på legevakta, og dei ulike alternativa bør ut på ei brei høyring.

Senterpartiet sitt framlegg vart samrøystes vedteke.

**VEDTAK:**

Luster kommunestyre ber om å få utgreidd som alternativ å halda fram med legevakt i Gaupne. Kommunestyret ynskjer også at framtidig legevakt blir sett i samanheng med gjennomgang av heile drifta av helseområdet for å sjå på korleis kostnadene på tenesteområdet kan reduserast framfor å aukast med 1,6 mill.

Eit slikt utgreiingsarbeid må involvere dei tilsette på legevakta, og dei ulike alternativa bør ut på ei brei høyring.

32/17

**Regional plan for arbeidet for god psykisk helse hjå barn og unge**

**Handsaming:**

Formannskapet si tilråding vart samrøystes vedteken.

**VEDTAK:**

Kommunestyret vedtek regional plan for god psykisk helse hjå barn og unge. Oppvekst er kontaktpunkt for samarbeidet med dei andre kommunane og Sogn regionråd om oppfølging av planen regionalt og lokalt.

33/17

**Kommuneplanen sin samfunnsdel 2017 - 2029 - planprogram**

**Handsaming:**

Framlegg frå H, Frp og Krf v/Ingmar Norberg:

Som del av prosessen med kommuneplanen sin samfunnsdel skal formannskapet arbeide fram handlingsreglar som spikrar ei sunn utvikling av kommuneøkonomien i Luster. Reglane skal implementerast som ein del av kommuneplanen sin samfunnsdel.

Framlegget vart ikkje røysta over, men sendt over til formannskapet som tek det med i vidare arbeid i saka.

Formannskapet si tilråding vart samrøystes vedteken.

**VEDTAK:**

I medhald av § 11-3 jfr § 4-1 i Plan og bygningslova godkjenner Luster kommunestyre «Planprogram for kommuneplanen – Samfunnssdelen, 2017 - 2029» for Luster kommune.

34/17

### **Rekneskapsrapport pr. 1. tertial 2017. Budsjettendringar.**

#### **Handsaming:**

Rådmann kommenterte eit par feil i T1 –rapport som vert retta opp i vedlegg. (kap2 og 3, oppsummering av rekneskapsskjema 1A)

Framlegg frå Frp, Krf og H v/Ingar Norberg:  
Luster kommune stoppar alt arbeid med å innføre allmenn eigedomsskatt i kommunen.  
Rådmannen reknar ut, og tek inn innsparinga i 2017-budsjettet i T2 rapporten.

Formannskapet si tilråding vart vedteken mot 4 røyster.  
Mindretallet røysta for formannskapet si tilråding med endringsframlegget frå Norberg.

#### **VEDTAK:**

1.)Kommunestyret tek framlagt tertialrapport T1 2017 til orientering.

2.)Kommunestyret vedtek slike endringar i driftsbudsjettet 2017:

#### **Endring rekneskapsskjema 1B – Regulering 1.tertial:**

Område	Rekneskap 01.01-01.05	Budsjett -17	Forbr %	Regulering	Regulert budsjett
ADMINISTRSJON, STYRING OG FELLESUTGIFTER	13 770	39 166	35,2	-1 645	37 521
BARNEHAGAR	13 746	39 293	35,0	300	(39 593)
-Bruk av fond/skjønsmidlar				460	40 053
GRUNNSKULEOPPLÆRING	30 032	90 687	33,1	230	(90 917)
-Bruk av fond/avsetjing ikt				250	91 167
OMSORGSTENESTA	48 886	120 369	40,6	150	120 519
BARNEVERN	4 754	9 856	48,2	500	10 356
KULTUR	6 614	14 527	45,5	465	14 992
Tillegg fondsfinansiert:				+710	

Rekneskapsskjema 1A og 1B vert oppdatert med desse endringane.

3.)Kommunestyret vedtek slike endringar i investeringsbudsjettet for 2017:

#### **Endring i rekneskapsskjema 2B - Regulering 1.tertial:**

	Opph.-17	Regulering.	Rev.2017.
Lustrabadet	250	100	350 000
Lagshuset – (finansiert av disposisjonsfond/ avsett flyktningemidlar.)	-	950	950 000
Turveg Marifjøra-Gaupne.	-	500	500 000

I tillegg kjem overførte løvningar frå 2016. Jf eige vedlegg, pkt 6.2.

Regulering av investeringsbudsjettet vert finansiert av ubrukte lånemidlar med unnatak av investering Lagshuset som vert dekka av disposisjonsfond, avsett frå statstilskot flyktningar.

Rekneskapsskjema 2A og 2B vert oppdatert med desse endringane.

35/17

## Referat- og drøftingssaker

### Handsaming:

#### Framlagt:

- Skriv dat. 6. juni 2017 frå Luster eldreråd vedk. nettleige – refert.
- Skriv dat. 6. juni 2017 frå Luster eldreråd vedk. pasientreiser – referert.
- Skriv frå rådet for menneske med nedsett funksjonsevne om pasientreiser – referert.
- Skriv frå rådet for menneske med nedsett funksjonsevne om nettleige – referert.

[Informasjon om Endeleg rapport skulestruktur, grunnlagsarbeid for ein skulebruksplan og kostraanalyse er tilgjengeleg via heimesida.](#)

### Program for dagen:

Kl. 09.00 – 10.00 Kommuneøkonomi m.m v/rådmannen. Presentasjonen følgjer vedlagt protokollen til kommunestyret.

Kl. 10.00 – 12.00 Gruppemøte og lunsj

Kl. 12.00 Handsaming av saker på saklista

### Open post:

Ernst Veum viste til at Simas har oppretta datterselskapa Simas Næring og Ecoinwaste, sistennemnde som arbeider med næringsutvikling i det «grønne skifte.» Kor mykje litt Simas seg opp i desse selskapa? Har formannskapet fått informasjon om etableringa og har kontrollutvalet i Luster sett på saka. Det hadde vore ynskjeleg med informasjon om dette.

*Ordføraren informerte om at formannskapet har hatt besøk og fått informasjon frå styreleiar og dagleg leiar i Simas også om etablering av Ecoinwaste. Simas Næring vart oppretta for å kunne gje anbod på næringsavfall. Simas Næring er initiativtakar til å etablere Ecoinwaste på Håbakken, for å kunne utnytte boset lokalt.*

*Me har fått informasjon i representantskapen i Simas, og der er ikkje samanblanding av rollar eller økonomi. Ecoinwaste er no finansiert opp av amerikansk/canadisk selskap som står for mykje av teknologien i ei ev etablering.*

*Kommunestyret kan få informasjon om dette til hausten om det er ynskjeleg.*

*Kontrollutvalet i Sogndal har hatt informasjonsrunde på saka, men ikkje utvalet i Luster.*

Kjersti Eikum Tang viste til at det er fokus på skular og økonomi og at alle skular og sektorar skal spare. Då blir det brukt ostehøvelprinsipp, like mykje pr. elev. Kvifor er det ikkje då også slik ved tildeling av midlar.

IKT-midlar som no blir tildelt har m.a slik fordeling:

Hafslo 484 pr elev

Indre Hafslo 650

Luster ungdomsskule 885

Jostedal 1250. m.fl.

Dette er ikkje rimeleg fordeling, kvifor er det slik?

Rådmannen viste til at i 2016 var det sett av midlar til å ta eit tak for å utvikle IKT-skule. Dette var investeringar både i utstyr, ny programvare og kompetanse. Vurdering synte at me gjerne ikkje kom fullt så langt som ynskjeleg/planlagt. Skulane i Gaupne avsette til saman 250.000 i rekneskap 2016 til vidare oppfølging av IKT-skule. Ei behovskartlegging synte at dette ikkje var nok til heile skuleområde. Rådmann har tilrådd og det er løyvd 230.000 ekstra gjennom T1 slik at ein samla fordeles 480.000 til styrking IKT-skule. Desse midlane er fordelt ut frå det historiske(avsetjing i 2016), behovskartlegging og rådmann/kommunalsjefen sitt beste skjønn. Vel 100.000 til dei store skulane og mellom 20-35.000 på dei mindre skulane. Når det gjeld Hafslo så må ein og sjå på at ein gjennom byggeprosjektet har fått på plass viktig IKT/elektronisk - infrastruktur. Etter ei samla vurdering har me valt å ikkje fordele etter elevtal.

Jon Ove Lomheim viste til at han har sett at kontrollutvalet har hatt møte på Leikanger og hatt møte med fylkesmannen for å få informasjon i høve til statusrapport Sogn Barnevern. Er det noko nytt i saka?

Rådmannen svara at kontrollutvalet i møte 13.06 har fått informasjon om tilsynsrapporten til fylkesmann frå februar 2017. Rådmann har grunn til å tru at også forbetringplanen til Sogn barnevern og status for denne vart omtalt i møte. Etter det rådmann har grunn til å tru så førebud kontrollutvalet ein forvaltningsrevisjon på Sogn barnevern, der ein har fokus på kva tilbod og oppfølging barn/ungdom heimehøyrande i Luster har fått i Sogn Barnevern. Kontrollutvalet har fullmakt frå kommunestyret til å prioritere tema for forvaltningsrevisjon.

Rådmann refererte og frå møte mellom deltakarkommunane i Sogn Barnevern, 06.06, der det var greie og gode tilbakemeldingar på både arbeidsmiljø, det faglege arbeidet og arbeidet med forbetningsplanen.

## **VEDTAK:**

Det vart ikkje gjort vedtak i saka.